

卷三目次

草部

隰草四十七種

甘菊花一

菴藟子二

著草三

艾葉四

茵陳蒿五

青蒿六

茺蔚七

夏枯草八

劉寄奴草九

旋覆花十

青箱子十一

紅花十二

大薊小薊十三

續斷十四

漏蘆十五

苧根十六

大青十七

胡盧巴十八

鼠粘子 十九

蒼耳子 二十

天名精 二十一

豨薟 二十二

蘆根 二十三
附箸

耳蕒 二十四

麻黃 二十五

木賊草 二十六

燈心草 二十七

地黃 二十八

牛膝 二十九
附土牛膝

紫苑 三十

麥門冬 三十一

萱草 三十二

酸醬 三十三

款冬花 三十四

決明子 三十五

地膚子 三十六

瞿麥 三十七

王不留行 三十八

葶藶 三十九

車前子 四十

龍牙草 四十一

鱧腸草 四十二

連翹 四十三

青黛 四十四
附藍澱

篇蓄 四十五

疾藜 四十六

穀精草 四十七

卷三目次終

本草彙箋卷二

毘陵 顧元交 述

甘菊花

隰草之一

菊歷四氣。得天地之清。冒霜吐穎。早植晚發。德類堅貞。乃秋深應候。方始舒榮。始受金氣之正。秋金本白。故取白花者。體輕味清。肺氣虛者宜之。主眼昏及翳膜。肝虛掉眩諸症。若黃色者。氣香味重。肺熱者宜之。主頭風眩暈。鼻塞熱壅。暴赤眼腫。肌膚濕痺。四肢遊

風肩背疼痛等證。此論近見于賈書。前人但云黃者入金水陰分。白者入金水陽分。分陰陽故不如分虛實之說爲當。賈子因其氣味之輕重清濁以定能力。可謂方家之指南矣。

其紫莖氣香。葉厚至柔。花微大。單瓣味甘者真。其莖青而大。葉細氣烈似蒿艾。花小味苦者名苦薏。不入藥。

菊本作鞠。窮也。言花事至此而窮也。別名傳延年。取久服耐老延年之義。熙食家根莖花葉俱按月。

採用之

雙美丸。治眼目昏花。用茺菊花一觔。紅椒去目六兩爲末。新地黃汁和丸。梧子大。每服五十丸。卧時茶清下。

與枸杞子等分蜜丸。久服則終身無目疾。兼不中風及生疔疽。

連根生用爲君。加紫花地丁。益母草。金銀花。半枝蓮。貝母。連翹。生地黃。括樓根。白芷。白及。蒼耳子。夏枯草。可治疔瘡。凡疔毒甚者。以蟾酥發汗。大便秘閉。

者汗後以玉樞丹下之。或以大戟加蜜休棗肉煮三錢亦下矣。忌甘草。避大戟也。治疔之法不外乎此并記。

菴藺子

隰草之二

菴藺子本經列之上品。大抵破血逐瘀及瘀血腹脹風寒濕痺之用。以爲久服輕身則未必也。瘀血腹脹俗呼單腹脹。四肢不腫者是。

菴藺葉似菊葉而薄。多細子。面背皆青。高者四五尺。莖白色如艾莖而粗。八九月開細花淡黃色。結

實如艾實中有細子。極易繁衍。藝花者以之接菊。人家種此。辟蛇。蛇着之卽爛。

今人治打撲傷及跌折瘀血。惟單用菴藷煮汁服。亦可末服。其效最速。

著草

照草之三

著。神草也。藥中罕用。以其爲靈異之品。故錄存之。葉專治瘡。其實有益氣充飢明目聰慧之功。

博物志言著千歲而三百莖。其本已老。故知吉內。褚先生云。著滿百莖。其下卽有靈龜守之。常有青

雲覆其上。傳云。天下和平。著莖長。走
治腹中痞塊。著葉獨蒜。穿山甲。末食鹽同。以好醋
搗成餅。量痞大小貼之。兩炷香爲度。其痞化爲膿
血從大便出。

艾葉 懸草之四

艾葉生則微苦大辛。熟則微辛大苦。生溫熟熱。可以
取太陽真火。可以回垂絕元陽。服之則走三陰而逐
寒濕。轉肅殺之氣爲融和。炙之則透諸經而祛病邪。
起沉病之人爲康泰。但今人不辨藥性。每用入婦人

方中爲調經種子之要品。不知月事不調。惟後期血少。無熱症者。乃可用。若先期用之。反增沸熱。云使人有子者。指氣血兩虛之人。風寒乘虛入子宮。不孕者。設也。不知婦人無子。多繇血少。不能攝精。俗醫謂子宮虛冷。投以辛熱。艾性至熱。入火炙。則氣下行。入藥服。則氣上行。本草止言其溫。不言其熱。世人喜溫。率多服之。久久毒發。何嘗歸咎于艾哉。

用艾必取陳久者。所謂七年之病。求三年之艾。藥據取淨葉。揚去塵屑。入石臼。木杵搗羅去滓。取白

者再搗至柔爛如綿。用時焙燥則灸火得力。入婦人丸散。須以熟艾醋煮乾搗成餅烘乾再搗成膏。或以糯糊和作餅及酒炒者皆不佳。蓋醋者製其性。酒則更益其焰矣。前此不著土產。自成化以來。則以蘄州爲勝。用充方物。相傳他處艾灸酒壘不能透。蘄艾則直透徹爲異。

凡人患內傷虛癆等症。一槩于三伏時灸不計壯數。不知肺俞風門二穴。切近華蓋。本因火乘金位而咳。再以艾火燔灼。全欲不傷得乎。又况三伏正

大旺金衰之候也。此論發于汪石山。可以開千古之迷。乃愚人又有無病而灸者。謂防生病于未然。此又惑之甚者也。夫一穴受灸。則一處肌肉爲之堅硬。血氣至此則澁滯不能行。昔有病跛者邪在足少陽分。自外踝以上循經灸者數穴。一醫爲鍼。臨泣將欲接氣。過其病所。纔至灸處。癢止而不行。始知灸火之壞人經絡也。或有惡症欲通其氣。則無及矣。邪客經絡爲其所苦。灸之不得已也。無病而灸何益于事。此亦汪石山論。

凡灸腫毒以蒜搗爛鋪患上艾火灸之以知痛甚
爲效。蓋知痛處方爲好肉。方能拔毒通竅。使內毒
有路而外達也。然有禁灸數種不可不知。如頭爲
諸陽之首。純陽無陰。凡生瘡毒俱屬元陽熱極所
致。再加艾灸。使毒氣熾甚。反加大腫難治。面生疔
瘰亦然。又腎俞一穴。在內腰脊傍。爲內腎命根。此
穴發瘡多因房勞素虧。腎水枯竭而成。再以火熯
其源。必致內外乾涸。多成黑陷昏悶而死。又有元
氣素虛。瘡不掀腫。其人必體倦神昏。脉必浮散空

虛數而不鼓此內無真氣抵當火氣如再灸之必致昏憤不救。治云艾火不傷人此語誤人不淺。

茵陳蒿

照草之五

茵陳利水清熱從上蒸下爲疸病之主藥。疸有濕疸酒疸穀疸女勞疸及瘀血發黃所因不同唯各從其義類之藥。君茵陳以治之唯傷寒熱甚發黃又有濕燥之別如茵之濕則濕黃旱則燥黃也濕則瀉之茵陳梔子大黃湯燥則潤之則用梔子蘗皮湯此二者又皆治陽黃也更有陰黃則用茵陳附子湯太抵以

茵陳爲君。佐以大黃附子。各隨其寒熱也。

茵陳雖蒿類。經冬不死。更因舊苗而生。故名茵陳。

青蒿 陰草之六

青蒿芬芳襲脾。其去骨間伏熱。宜于血虛之人。取其
不犯冲和之氣。較之他品。苦寒之藥。多與胃家不利
者差勝也。詩云。呦呦鹿鳴。食野之蒿。卽此物也。其得
春木少陽之氣最早。故少陰之症。皆少陽厥陰血分
之病。

青蒿莖葉色並深青。葉背面皆青。所以異于諸蒿。

至深秋諸蒿並黃。此蒿猶青也。童便浸三日漉出。晒乾。用子弗用葉。用根勿用莖。子葉根莖不宜同用。

茺蔚

隰草之七

茺蔚俗稱益母。入肝經。清熱疏散。爲胎產要藥。凡胎前氣易滯。故惡阻而胎不安。產後血易凝。故血暈而腹痛。以此活血行氣而不推蕩。使血氣流通。以除凝滯。李時珍謂白花者入氣分。紫花者入血分。治婦女經脉不調。胎產一切血氣諸病之神品。而醫方鮮知。

用。予常以之同四物香附諸藥治人。獲效甚多。又主
明目。釋名益明者。如血滯病目。或熱血欲貫瞳人。與
涼血藥同用也。唯瞳人散大。屬血不足。不宜再行血
矣。血症中崩漏亦禁用。其根莖花葉專于行血。唯子
則行中帶補。

茺蔚春生。夏枯莖方。葉如艾葉而背青。一梗三葉。
葉有尖岐。節節生穗。叢簇抱莖。穗開小花紅紫色。
亦有微白色者。每莖內有細子四粒。凡用子微炒。
香亦或蒸熟。烈日曝乾。春簸去殼。